



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1748. usque ad  
Annum 1752 - Cum Supplemento ad Ann. 1742. 1745. 1746. & 1748

**Luxemburgi, 1754**

XXVI. Regulares Apostatæ ad suos Ordines cum pœnarum condonatione  
revocantur. 12. Januarii 1750.

---

[urn:nbn:de:hbz:466:1-74772](https://nbn-resolving.org/urn:nbn:de:hbz:466:1-74772)

Monasteriis, & Oblatarum, aut Tertiariarum Domibus, & Communitatibus, nec non in Conservatoriis quibuslibet, Educationis, Convictus, aliave causâ & ratione, cum debitis licentis commorantibus, omnia & quaecumque Vota, exceptis illis, quæ Nobis & Apostolica Sedi reservata sunt, etiam dispensando commutare, easque omnes & singulas, factâ commutatione hujusmodi, ab emissorum Votorum, etiam juratorum, observantiâ absolvere possint & valeant, dictâ auctoritate Apostolicâ, & eandem tenore præsentium, misericorditer in Domino concedimus & indulgemus.

Contrariis derogat.

§. 9. Non obstantibus nostris super Indictione Jubilæi præsentis Anni in hac Alma Urbe, & super suspensione Indulgentiarum, & Facultatum eodem Jubilæi Anno vertente, nec non Prædecessorum Nostrorum de Indulgentiis non concedendis ad instar, aliisque Apostolicis, & in Universalibus, Provincialibus, & Synodali-bus Conciliis editis Constitutionibus, Ordinationibus, & Reservationibus, etiam in eadem Bulla Cæna contentis, nec non quorumcumque etiam Mendicantium, & Militarium Ordinum, Congregationum, Societatum, & Institutorum, etiam Societatis Jesu, etiam juramento, confirmatione Apostolica, vel quavis firmitate alia roboratis statutis, legibus, usibus, & consuetudinibus, etiam immemorabilibus, Privilegiis quoque, Indultis, & Literis Apostolicis eisdem concessis, præsertim in quibus caveatur expressè, quòd alicujus Ordinis, Congregationis, Societatis, & Instituti hujusmodi Professores extra propriam Religionem peccata sua confiteri prohibeantur. Quibus omnibus, & singulis, etiam si pro illorum sufficienti derogatione, de illis, eorumque totis tenoribus, specialis, specifica, & individua mentio faciendâ, vel alia exquisita forma ad id servanda foret, hujusmodi tenores pro insertis, & formas pro exactissimè servatis habentes, pro hac vice, & ad præmissorum effectum dumtaxat, plenissimè derogamus, cæterisque contrariis quibuscumque.

Hortatur Episcopos ad concedendas Facultates absolventi a casibus eisdem reservatis.

§. 10. Cæterum Venerabiles Fratres Episcopos, alioque Locorum Ordinarios hortamur, ut, Nostræ & Apostolicæ Sedis benignitatis exemplo permoti, Confessariis a præmissis omnibus ad eandem præsentium effectum respectivè eligendis, Facultatem absolventi eisdem a casibus eisdem Ordinariis respectivè reservatis, impertiri non recuset.

Transumptis fidem haberi decernit.

§. 11. Volumus autem, ut eandem præsentium transumptis, sive exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem ab omnibus fides habeatur, quæ ipsis præsentibus adhiberetur, si forent exhibitæ, vel ostensæ.

Sanctio.

§. 12. Nulli ergo omnino hominum liceat, paginam hanc Nostræ declarationis, hortationis, commissionis, concessionis, derogationis, decreti, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Dat. die 17. Dec. 1749.

Datum Romæ apud Sanctam Mariam Majorem Anno Incarnationis Dominicæ millesimo septingentesimo quadagesimo nono, decimo septimo Kalendas Januarii, Pontificatus Nostri Anno Decimo.

D. Card. Passionens.

J. Datarius.

VISA DE CURIA. J. C. Boschi.

J. B. Eugenius.

Loco ✕ Plumbi.

Registrata in Secretaria Brevium.

Publicata die 22. Decembris dicti Anni.

Regulares Apostatæ ad suos Ordines cum penarum condonatione revocantur.

XXVI.

BENEDICTUS EPISCOPUS,

Servus Servorum Dei. Ad futuram rei memoriam.

Exordium.

Pastoris æterni vices, licet immeriti, gerentes in terris, paternæ charitatis Nostræ partes esse reputamus, ut Oves, quas Sathana versutia a caulis Domini abduxit, ad eadem opportunis rationibus reducere, & ne in perpetuum pereant, quantum Nobis ex alto conceditur, providere studeamus.

Causa præsentis Constitutionis.

§. 1. Itaque in præsentis Anno Jubilæi, Anno scilicet remissionis & gratiæ, quem ad totius Catholicæ Ecclesiæ consolationem atque ædificationem, apertis, atque largiter prolatis spiritualium gratiarum dispensationi Nostræ divinitus creditarum thesauris, indiximus, & benedicente Domino, maximo cum animi Nostri gaudio celebramus, pietatis Nostræ viscera erga Regulares professionis suæ desertores aperire, eosque ad Christi Ovile, suos videlicet cujusque Ordines, extra quos, Luporum rapacium insidiis, atque periculis expositi, miserè vagantur, quantum Divina benignitas largiri dignabitur, ut ad salutarem vitæ normam, quam amplexi fuerant, velut postliminio reversi, vota sua Domino reddere studeant, revocare cupientes, ac fel. record. Urbani VIII., Clementis X., Innocentii XII., & Benedicti XIII. Romanorum Pontificum Prædecessorum Nostrorum, qui Annis Jubilæi tunc instantibus, seu currentibus, ejusmodi Regularium desertorum reductioni providè consuluerunt, vestigiis inhaerentes, auctoritate Apostolica, tenore præsentium, misericorditer indulgemus, ac statui-mus, & decernimus, ut Regulares Apostatæ & Fugitivi, cujuscumque sint Ordinis, tam Mendicantium, quam non Mendicantium, Congregationis, Societatis, & Instituti etiam necessario exprimendi, qui citra Montes intra quatuor, ultra Montes verò intra octo menses, a publicatione earundem præsentium Literarum inchoandos, sua sponte ad suam quisque Religionem redierint, tunc penarum omnium ipsis propter Apostasiam hujusmodi inflictarum, vel infligendarum remissionem, atque impunitatem assequantur; ita tamen, ut debeant a suo quisque respectivè Superiore humiliter petere absolutionem, & coram eo culpam fateri, atque emendationem polliceri; & viceversa Superior benignè illos teneatur ab hujusmodi penis absolvere, & paternæ charitate complecti; cui propterea, ad effectum præmissum dumtaxat, quatenus opus sit, omnem facultatem necessariam dictâ auctoritate harum serie imper-timur.

Conceditur Apostatis intra certum tempus redeuntibus condonatio penarum.

Quid redeuntibus efficere debeant.

Clausulæ cum derogatoriis.

§. 2. Non obstantibus quibusvis Apostolicis, seu in Universalibus, Provincialibusque Conciliis editis generalibus, vel specialibus Constitutionibus & Ordinationibus, ac quorumvis Ordinum, Congregationum, Societatum, & Institutorum, aliive quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, statis, & usibus etiam immemorabilibus, Privilegiis quoque, Indultis, & Literis Apostolicis etiam Ordinibus, Congregationibus, Societatibus, & Institutis hujusmodi, illorumque Generalibus, & aliis Superioribus, ac Personis quibuslibet, sub quibuscumque verborum

tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & infolitis clausulis, irritantibusque, & aliis decretis, etiam motu proprio, & de Apostolica potestate plenitudine, ac consilialiter, & alias quomodolibet in contrarium præmissorum in genere, vel in specie concessis, & quantiscumque vicibus iteratis, approbatis, confirmatis, & innovatis; quibus omnibus & singulis, etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut alia aliqua exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & forma in illis tradita observata, exprimerentur, præsentibus pro plenè & sufficienter expressis, & insertis habentes, illis aliàs in suo robore permanentis, ad præmissorum effectum hac vice dumtaxat specialiter & expressè derogamus, ceterisque contrariis quibuscumque.

Mandatur publicatio harum Litterarum.

§. 3. Ut autem eadem præsentis Litteræ omnibus facilius innotescant, volumus illarum exempla ad dilectos Filios, Nostros & Apostolicæ Sedis Nuntios, ac Venerabiles Fratres Patriarchas, Archiepiscopos, Episcopos, aliosque Ecclesiarum Prælatos, & Locorum Ordinarios transmitti, qui illas quantociùs publicare studeant. Ipsarum verò præsentium Litterarum Transumptis, seu Exemplis etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eandem omninò fidem in iudicio, & extra illud ubicumque locorum haberi, quæ haberetur ipsis præsentibus, si forent exhibitæ, vel ostensæ.

Sanctio pœnalis.

§. 4. Nulli ergo omnino hominum liceat, paginam hanc Nostrorum indulti, statuti, decreti, concessionis, derogationis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Dat. Pontif. Anno X. die 12. Januarii 1750.

Datum Romæ apud S. Mariam Majorem Anno Incarnationis Dominicæ millesimo septingentesimo quinquagesimo, pridie Idus Januarii, Pontificatus Nostri Anno Decimo.

D. Card. Passioneus.

J. Datarius.

VISA DE CURIA.

J. C. Boschi.

J. B. Eugenius.

Loco ✱ Plumbi.

Registrata in Secretaria Brevium.

Publicata die 19. Januarii 1750.

Ad claudendas Portas Sanctas in exitu Anni Jubilæi deputantur tres Cardinales de Latere Legati in Consistorio Secreto Feria 2. die 7. Decembris 1750.

Venerabiles Fratres.

IN Consistorio secreto habito feriâ secundâ die prima Decembris Anni mox elapsi, Vobis annuntiavimus, Nos in pervigilio Natalis Domini Portam Sanctam Basilicæ Vaticanæ esse reclusuros, prout, Deo adjuvante, reclusimus. In eodem Consistorio elegimus Nostros a Latere Legatos Cardinalem Thomam Rufum, Episcopum Ostiensem, & Veliternum, Sacri Collegii Decanum, ut nomine Nostro aperiret Portam Sanctam Basilicæ Sancti Pauli; Cardinalem Nerium de Corsinis Diaconum S. Eustachii, & Archipresbyterum Basilicæ Lateranensis, ut nomine Nostro dicte Basilicæ Portam Sanctam recluderet; denique Cardinalem Hieronymum Columnam Diaconum S. Angeli in Foro Piscium, & Liberianæ Basilicæ Archipresbyterum, ut nomine Nostro Portam Sanctam prædictæ Basilicæ aperiret. Aperuerunt, & Plenariam Indulgentiam Populo, qui presens aderat, simul cum Apostolica Benedictione, auctoritate Nostra elargiti sunt. In Pervigilio imminenti Festivitatis Nativitatis Domini Nostri Jesu Christi, more solito, claudemus Portam Sanctam Basilicæ Vaticanæ. Nunc autem eosdem Cardinales, quos deputavimus de Latere Legatos, ut Portas Sanctas Basilicarum Sancti Pauli, Sancti Joannis in Laterano, & Sanctæ Mariæ Majoris nomine Nostro aperirent, eligimus, & deputamus in Cardinales de Latere Legatos, ut nomine Nostro uniusquisque Portam Sanctam, quam aperuit, claudat; unicuique eorum auctoritatem attribuentes elargiendi populo præsentis Plenariam Indulgentiam unâ cum Apostolica Benedictione. Et quemadmodum ipsos in accessu ad aperitionem Portarum Sanctarum dispensavimus ab Equitatus solemnibus pompâ, quæ ex Vaticano Cardinales de Latere Legati proficisci solebant, & concessimus, ut uniusquisque ad suam Basilicam se conferret ex propriis Ædibus curru delectus, suoque nobili comitatu stipatus; hoc ipsum ut fiat, etiam nunc indulgemus, cum in imminenti Pervigilio Nativitatis Domini ad sibi designatam Basilicam uniusquisque accessurus est, Portam Sanctam clausurus.

Cum autem prædictus Reverendissimus Cardinalis Rufus Decanus, ob valetudinis incommodum, excusationem ab injuncto munere obtinisset; Sanctitas Sua sequentem Syngrapham ad Reverendissimum D. Petrum Aloysium Episcopum Albanensem S. R. E. Cardinalem Carafa nuncupatum conscribi mandavit.

Dalla Segreteria di Stato li 16. Dicembre 1750.

Esendosi degnata la Santità di Nostro Signore di dispensare il Protettore della Congregazione Cassinense di fare la Funzione di chiudere la Porta Santa nella Basilica di S. Paolo in vece dell'Eminentissimo Signore Cardinal Decano, che si è preventivamente scusato, mi hà in seguito sua Beatitudine coll'Oracolo della viva voce ordinato di significare a Vostra Eminenza, di averla prescelta a fare la suddetta Funzione; accordandole perciò il Titolo di Legato a Latere colle Facoltà di chiudere l'accennata Porta Santa, e di benedire il Popolo con l'Indulgenza Plenaria in forma di Giubbileo. Tanto eseguisco, e resto

baciando